

Powšitkowne WOZJEWJENJA

njedźelu, 23. nowembra 2014

Chrysta Krala w Chróścicach

Na swjedženju Chrysta Krala tutu njedźelu, 23. nowembra, je w 14 hodź. w Chróšćanskej cyrkwi nyšpor, kotryž wuhotuje kapała ze Šěrachowa. Nyšporej přizamknje so přednošk Symana Pöpla z Chróścic na farje. Wón porěči wo swojim lětnym přebywanju w Kanadze. Dekanatne dušepastyrstwo młodžiny wšitkich młodostnych wutrobnje přeprošuje.

TCM – „Łužica pomha“ prosy wo dary za Krupku

Towarstwo Cyrila a Metoda z.t. (TCM) chce ze swojej lětušej pomocnej akciju „Łužica pomha“ wobnowjenje kapałki ze studničku swjateje Marije w Krupce podpěrać. Na te putniske městno putnikuja młodži a starši katolscy Serbja kóždy lěto pěši, z kołom, awtom abo busom. TCM prosy wěriwych wo šćedriwe dary na konto Cyrill-Methodius-Verein, IBAN: DE65 750 90 300 000 828 23 66, BIC: GENO DEF1 M05 pola banki Liga pod hesłom „Łužica pomha“.

J. Špitank, předsyda TCM

Zetkanje samostejacych

Samostejacy ze serbskich wosadow su na zetkanje wutoru, 2. decembra, w 14 hodź. do Domu biskopa Bena w Smochćicach přeprošeni. Zajimcy njech so hač do štwórtka, 27. nowembra, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdźěli.

Pobožnosť jako džak a próstwa w Róžeńće

Towarstwo „Naša Knjeni na Lipje z.t.“ přeprošuje wšitkich česćowarjow Róžeńčanskeje swjateje Marije wutrobnje na pobožnosť jako džak a próstwu kaž tež wo zastupnistwo při Božim trónje wutoru, 25. nowembra, po wječornej Božej mši. Kemše su we 18 hodź. w Róžeńčanskej swjatnicy. Na pobožności modla so w naležnosćach towarstwa, ale tež w swójskich naležnosćach a serbskeho ludu.

Kreatiwna džěłarnička

Na paslenje adwentneje pychi přeprošuje dekanatne dušepastyrstwo sobotu, 29. nowembra, wot 13 do 17 hodź. młodostnych, maćerje a dalšich zajimcow do Don Boskowneho domu we Worklecach. Kóždy ma swój předžěłany material zaplaćić.

Duchowna hudźba w Budyšinje

K spočatkej adwentneho časa zaklinči w Budyskej cyrkwi Našeje lubeje Knjenje sobotu, 29. nowembra, w 19.30 hodź. koncert z chórowymi twórbami Jana Pawoła Nagela, Georga Friedricha Händela, Antonija Vivaldija a Johanna Sebastiana Bacha. Duchownu hudźbu wuhotuja orchester Serbskeho ludowneho ansambla kaž tež solistce Elmira Yakhina (sopran) a Anett Baumann (solowiolina) pod wumělskim nawodom Gabriele Donà. Zastup so njezběra, prosy pak so wo dar w zběrce při durjach.

Džeń wotewrjonych duri a adwentne wiki

Dom swjateho Michała ze swojej dźělarnju za zbrašenych w klóštrje Marijinej Hwězdze w Pančicach-Kukowje přepróšuje sobotu, 29. nowembra, wot 13.00 do 17.00 hodź. na džeń wotewrjonych duri a małe adwentne wiki. Wopytwarjo móža so po domje rozhladować a sej tohorunja rjane, w dźělarni zhotowjene wěcy wobhladać. Snadž nańdže tón abo tamny při tym tež hižo rjany hodowny dar. Čělnje zastaranje wopytwarjow je zaručene.

Adwentny nyšpor w Njebjelčicach

Hudźbny adwentny nyšpor wotmjeje so njedźelu, 30. nowembra, w 14 hodź. w Njebjelčanskej cyrkwi. Program wuhotuja cyrkwinski chór, šola a młodostni wosady kaž tež mały chór Budyskeho Serbskeho gymnazija. Wšitcy su wutrobnje přepróšeni.

Adwentnička

Adwentnička serbskich młodostnych je lětsa njedźelu, 7. decembra, w Baćonju. Nyšpor w 14 hodź. wuhotuje chór 1. serbskeje kulturneje brigady z Budyšina.

Kubłanske dny w Schmiedebergu

Kubłanske dny serbskich młodostnych w Schmiedebergu budu wot pjatka do njedźele, 2. do 4. januara 2015. Nadrobnosće so hišće wozjewja.

Ekumeniski nyšpor w Drježdźanach

Serbja w Drježdźanach, jich při wuzni a přećeljo su wutrobnje přepróšeni na ekumeniski nyšpor sobotu, 29. nowembra, ze superintendentom Janom Malinkom. Nyšpor budže w 15 hodź. w cyrkwi swjateho Józefa w Drježdźanach-Pješnje (Pieschen), Rehefeldska 61. Po nyšporje zetkamy so w Šoćic kofejowni k bjesadze. Tam budže tež Smolerjec kniharnja ze svojim knižnym poskitkom. M. Bubnerjec

Maćična akademija

Slawist a stawiznar dr. Petr Kaleta z Prahi, kotryž je tuchwilu hóstny slědźer Budyskeho Serbskeho instituta, přednošuje štwórtk, 27. nowembra, w 19.30 hodź. w Budyskim hosćencu „Wjelbik“. Tema jeho přednoška w serbskej rěči rěka „Adolf Černý jako sorabist a slědźer małych słowjanskich narodow“. Zastup je darmotny. Stawizniska sekcija Maćicy Serbskeje wšitkich wutrobnje přepróšuje.

„Wodych duše“

Za katolskich a ewangelskich wěriwych poskićuje so w předawanišćach z wuběrom serbskich knihow a w Smolerjec kniharni wudaće „Wodych duše“. Knihu z modlitwami za wšědny džeń je Terezija Kubašec zestajała. We wjetšim pismje je kniha wosebje za staršich ludźi a špatnje widźacych myslena.